

武英殿聚珍版丛书

一

二

三

四

五

六

七

八

茶山集卷五

宋

曾

幾

撰

七言律詩

辭召命呈子忱侍郎

嬾慢無堪世所遺，獨憐衰病少光輝。
惠然投我有華袞，何以報公無紵衣。
末學虛聲慚取譽，舊章多識恐成非。
侍郎清鑒懸明鏡，莫道塵埃一點飛。

王周士顯謨自閩中歸瀉山舊隱道經臨川惠然
先辱且出示呂居仁送行詩有見及語因次其韻

茶山集 卷五
贈周士

此生寡偶固其宜何況身從老得衰
門外設羅誰一顧道旁傾蓋子相知
斷金已定交遊事伐木仍傳故舊詩
聞說瀋山堪避世卜鄰他日更無疑

雪中陸務觀數來問訊用其韻奉贈

江湖迴不見飛禽陸子殷勤有使臨
問我居家誰暖眼爲言憂國只寒心
官軍渡口戰復戰賊壘淮壖深又深
坐看天威掃除了一壺相賀小叢林

務觀所結菴號小叢林云

陸務觀效孔方四舅氏體倒用二舅氏題雲門草

堂韻某亦依韻

陸子家風有自來胸中所患卻多才學如大令倉盛筆
寺本王子敬宅有筆倉文似若耶溪轉雷襟抱極知非世俗簿書
那解作氛埃集賢舊體君拈出詩卷從今盟手開

以湯餅招韓伯周王巖起二提舉鄭深道曾宏甫
二使君宏甫有詩次其韻

鏡湖淮瀆舊刺史廬阜赤城新使君敢持湯餅一取飽
更用尊酒重論文玉川遣奴致雙鯉吏部呼兒書八分
不如哦君七字句舉首看度南山雲

曾宏甫見招看海棠而郡城新有更初闔扉之令
予聞鼓亟歸一詩呈宏甫

西蜀名花得許穠晚來呼客醉花中可憐朶朶枝枝弱
自占深深淺淺紅收拾雖微少陵老寵光還有翰林公
無聊獨出城闌去燒燭看時恨不同

次曾宏甫社日賞海棠吳守宅且試新茗韻

一樹深深地主家外邊誰復見穠華卻因社日治醵酒
得醉春時近眼花著粉施朱俱慳當吹風洗雨但驚嗟
酴醾芍藥垂垂發更試頭綱一餅茶

蘓秀道中自七月二十五日夜大雨三日秋苗以
蘓喜而有作

一夕驕陽轉作霖夢回涼冷潤衣襟不愁屋漏牀牀濕
且喜溪流岸岸深千里稻花應秀色五更桐葉最佳音
無田似我猶欣舞何況田間望歲心

喻子才提舉招昌源觀梅倦不克往蘓仁仲有詩
次韻

問公何許看花回賸說郊坰十里梅樹雜古今他處少
枝分南北一齊開昌源已辦行廚去離渚猶須使節來

沈復蘭亭公所葺清流九曲要傳杯

聞降湖北提鹽

一爲散吏寄郊垌三見南山木葉零
病著不能朝帝所
老來只合奉祠庭
繡衣玉節官仍作音佐流水桃花路再
經洞口故人應問我淹留何處髮星星

南山除夜

薰風吹船落江潭日月除盡猶湖南
百年忽已度強半
十事不能成二三青編中語要細讀蒲團上禪須飽參
兒時顏狀聽渠改瀟湘水色深按藍

喜聞天兵已臨衢寇

野宿溪行各晏然吳頭楚尾接風烟豈知苻澤深爲祟
不道柯山最近天境上音郵多浪語殿前兵馬是真傳
未論日報書三捷竹簟紗幬到曉眠

至日述事時江海大捷

觀臺四望楚氛開雲物輪囷瑞九垓大雪山陰消得盡
微陽井地放令回江心阜幟千艘沒海角黃旗一騎來
想像天顏知有喜正衙入賀薦金罍

寄泉南守趙表之

天遣高人下別峯

表之雙塔所居
一軒號別峯

諒無官事汨胷中香

來海外沈煙碧果熟林間荔子紅曹植詩篇疏入社裴
休參問遠同風蕭然丈室維摩詰何日文殊對此翁

寄浙漕韓公圭璣

故人官達更相求不但寒溫札翰投深貯爐薰來嶺海
遠包書帙到林邱未知輓粟飛芻外尚及哦詩把酒不
千里往還殊不隔夢魂常遶日邊州

寄浙東參議鄭禹功

憶昨分攜白日邊星辰忽忽幾回天故人老作諸侯客

今我初無二頃田安得詩書同保社敢煩札翰訪林泉

萬山不隔襟期處賴有渠儂一味禪

禹功參禪有省

寄十扇與陳述之

饒陽輕箠人共知封書寄與今其時清風兩腋想披拂
明月千里能追隨一朝貴重得謝傳中道捐棄憐班姬
吾徒且當置是事魯縞如雪題新詩

寄信守徐穉山侍郎

歸去來兮莫問津有船卽買繫江濱自應一學陶元亮
不用更呼祈孔賓已卜春前春後日重尋水北水南人

使君爲我新茅棟數有書來意甚真

寄何晉之直閣

別來不寄一行書貝葉琅函想自娛
喜得直廬新內閣
夢成同舍舊東都
絕知筆底騫騰在
未省體中安穩無
見說閩山小兒子
夤緣卽罷數趨隅

寄提舶王季羔

外臺隱吏極風流
記得衰翁舊日不三島
十洲曾接武
千巖萬壑更從遊
官曹閒似雲間鶴
賈舶紛如海上鷗
幸有西湖應著我
時操艇子過明州

撫州呈韓子蒼待制

一時翰墨頗橫流誰以斯文坐鎮浮
後學不虛稱吏部此生曾是識荊州
相逢未改舊青眼自笑無成今白頭
聞道少林新得髓離言語處許參不

子蒼攜和章見過用韻爲謝

胡嶺三年自竄流歸來差慰此生浮
政緣天下無雙士非爲江東第一州
懸榻坐中難入眼設羅門外少回頭
袖詩不意高軒過問里人曾到此不

次子蒼追憶館中納涼韻

飯罷蓬瀛屨響廊薰風啜茗倚繩牀草荒老氏藏書室
山繞王家避世牆湯餅承公薦槐綠爐芬遣我夢芸香
欲論舊事愁無奈願挽天河作酒漿

聞李泰發參政得旨自便將歸以詩迓之

苦遭前政墮危機二十餘年詠式微天上謫仙皆欲殺
海濱大老竟來歸故園松菊猶存否舊日人民果是非

最小郎君今弱冠別時聞道不勝衣

案瀛奎律髓註秦檜謫趙丞相鼎李

參政光胡編修銓于海外必欲殺之趙先歿李胡皆生還又最小郎君原註謂孫壻文授今附識于此

李子長縣丞示詩卷

乃祖天邊太白星裔孫名字見家聲官曹卑似崔斯立
句律清如庾義城贈我不知相報答投人政恐未分明
丞哉子子元無負松竹成陰水亂鳴

汪彥章內翰除守臨川以詩賀之

臨川內史詔除誰里巷傳聞報客知金馬門深曾草制
水精宮冷近題詩行看畫隼旌旗入定把書麟筆札隨
若訪毗耶舊居士無人問疾鬢成絲

賀曾裘甫得解

南風盛事昔無聞乃祖詞場筆有神一榜豪英收幾士

同年伯仲看三人今君科第欲驚世他日文章當致身
意愜歸來能訪我亦令宗派倚生春

吳元中少宰復官守長沙以詩賀之

眼看亂後幾彫年神護靈光獨巋然

靖康宰相六人惟公在矣鏡裏

未添新白髮囊中初得舊青氈寄書地正當回鴈晤語
身方走跼爲社稷于公端可卜一篇江漢詠周宣

題徐子禮自覺齋時子禮爲江陰把麾之行

徐子長吟復短吟奇書牕下日幽尋誰知密密深深地
參得明明了了心千里澄江空更闊中秋素月古猶今

使君胸次端如許願以餘光覺所臨

題巾山廣軒次韓无咎韻

鈴齋偏仄未銷憂暇日聊爲怡憤遊喬木中間藏古寺
籃輿直上得名流豈無雲水連孤嶼亦有山林望一州
後日玉霄峯頂去憶經行處爲回頭

張子公招飯靈感院

竹輿響肩舳啞嘔芙蕖城曉六月秋露華猶泣草光合
晨氣欲動荷香浮給孤獨園賴君到伊蒲塞供爲我修
僧牕各自占山色處處薰爐茶一甌